



長樂郡
振錄西
諸子書

遇物教儲



唐史紀太宗自立太子。遇物則誨之。見其飯則曰。汝知稼穡之艱難。則常有斯飯矣。見其乘馬。則曰。汝知其勞。而不竭其力。則常得乘之矣。見其乘舟。則曰。水所以載舟。亦所以覆舟。民猶水也。君猶舟也。見其息於木下。則曰。木從繩則正。后從諫則聖。

解 唐史上記太宗自立晉王為太子。凡遇一物一事。必委曲誨諭之。以啓發他的志意。如見太子進膳。就教之說。農夫終歲勤苦。耕耘收穫。種得穀成。方有此飯。汝若用飯之時。即念稼穡艱




難。此飯不容易得。推此心去。體恤農夫。節省用度。則上天必監汝有惜福之智。而多降天祿。使汝常得用此飯矣。如見太子乘馬。就教之說。馬雖畜類。亦具知覺之性。所當愛惜。汝若乘馬之時。即念此馬之勞。馳驅有節。不盡其力。則上天必監汝有愛物之仁。而貴畀萬乘。使汝常得乘此馬矣。如見太子乘舟。就教之說。水本以載舟。故舟藉水以運。然而水亦能覆舟。則舟不可倚。水為安。那百姓每就辟之水一般。為君上的辟

之舟一般。君有恩德及民。則民莫不戴之。為君若是暴虐。不恤百姓。則人亦將視之為寇讐。而怨叛之。辟之於水。雖能載舟。亦能覆舟。不可不慎也。如見太子息陰于木下。就教之說。木生來未免有灣曲處。惟經匠氏繩墨。則斲削的端正。可為宮室器物之用。人君生長深宮。未能周知天下之務。豈能件件不差。惟虛心聽從那輔弼諫諍之臣。則智慮日明。歷練日熟。遂能遍知廣覽。而成聖人矣。這是書經上的說話。不可不知。

也。唐太宗之教誨太子。其用心諄切如此。蓋太子乃天下之本。欲成就其德。惟在教誨周詳。所以唐太宗特加意于此。其深謀遠慮。真可為萬世法也。

遣歸方士



唐史紀太宗時天竺方士娑婆寐自言有長生之術上頗信之發使詣婆羅門諸國采藥藥竟不就乃放還高宗即位復詣長安上復遣歸謂宰相曰自古安有神仙秦始皇漢武帝求之卒無所成果有不死之人今皆安在李勣對曰此人再來容髮衰白已改於前何能長生竟未及行而死


解唐史上記太宗時西域天竺國有箇方外的道士叫做娑婆寐自己說他有長生不老的藥方太宗初信其言發人去往婆羅門諸國採取



藥物着他製藥。竟不能成。乃遣他還歸本國。及至高宗即位。這方士又到京師。以其方術見上。高宗不納。仍復遣還。因與宰相說道。自古生必有死。神仙之說。都是虛誕。昔時秦始皇。漢武帝。為求神仙。費了一生心力。到底沒一些効驗。若使世果有長生不老之人。今皆何在。李勣對曰。此人這一番來。容貌衰老。髮盡皓白。與前次不同。他若有仙方。何不自家服食延年。而衰老如此。其妄誕可知矣。後果不及還家而死。由此觀

之神仙之說。原是諂諛之人。干求恩寵。見得天子之富貴已極。無足以動其意者。惟有長生一事。不可必得。遂託為渺茫玄遠之說。以歡動人主之意。是以為秦皇求仙藥者。有徐福輩入海不返。為漢武求仙方者。有樂大等無功被誅。即此二事。可為明驗。然惟清心寡慾。節慎于飲食起居之間。自可以完固精神。增益年壽。如五帝三王。享國長久。垂名萬世。不亦美乎。

焚錦銷金




曹孟宗

Blank area with vertical lines, likely for text or commentary.

唐史紀玄宗以風俗奢靡制乘輿服御金銀器玩令有司銷毀以供軍國之用其珠玉錦繡焚於殿前后妃以下皆毋得服珠玉錦繡天下更毋得采珠玉織錦繡等物罷兩京織錦坊

解唐史上記玄宗初年因見當時風俗奢侈華靡心甚惡之欲痛革其弊乃詔凡上用服御器玩係是金銀粧飾打造的令有司盡行銷毀却將這金銀就充朝廷軍國的費用其內府所積珠玉錦繡都取在殿前用火燒了以示不用又




以後宮不先禁止。外面人未免效尤。乃詔后妃以下。勿得用珠玉錦繡為服飾。又詔天下官民人等。再不許采取珠玉。織造錦繡等物。兩京舊日有織錦坊。也命撤去了。不復織造。蓋珠玉錦繡。徒取觀羨。其實是無益之物。人君喜好一萌。必至徵求四方。勞民傷財。無所不至。又且天下化之。習尚奢侈。漸至民窮財盡。貽害不小。玄宗初年。刻勵節儉如此。所以開元之治。大有可觀。到後來。還不免以奢取敗。可見靡麗之物。容易

溺人。而人主持志不可不堅也。

唐史紀玄宗初即位。勵精為治。以姚元之為相。每事訪之。元之應答如響。同僚皆唯諾而已。故上專委任之。元之嘗奏請序進郎吏。上仰視殿屋。再三言之。終不應。元之懼趨出。罷朝。高力士諫曰。陛下新總萬幾。宰臣奏事。當面加可否。柰何一不省察。上曰。朕任元之以庶政。大事當奏聞共議。郎吏卑秩。乃以煩朕耶。會力士宣事至省中。為元之道上語。元之乃喜。聞者皆服上識人君之體。

解唐史上記玄宗即位之初。勵精圖治。知道姚



元之是箇賢臣。以他為宰相。每事必訪問他。元之素有才能。練達政事。隨問隨答。如響之應聲。同僚官皆不能及。但從後唯諾而已。於是玄宗專意委任之。一日元之面奏。請以次序陞轉郎官。玄宗不答應。他只仰面看着殿屋。元之又再三奏請。玄宗終不答應。元之只說玄宗恠他。恐有得罪。不敢再奏。趨走而出。及朝罷。內侍高力士諫說。陛下新總萬幾。宰相奏事宜面定可否。何故只仰看殿屋。通不禮他。玄宗說。我將國家的事。都付託與元之。委任至重。惟大事當奏關。我與他商議。今郎吏小官。也來一一奏請。豈不煩黷耶。這是玄宗專任宰相的意思。元之却不知。心懷疑懼。適遇高力士以傳奉旨意。事到中書省中。將玄宗的言語。備悉說與元之。元之心上纔喜。群臣聞之。都說玄宗不親細事。而委任賢相。得為君之體也。然人主須是真知宰相之賢。乃可以委任責成。不勞而治。若不擇其人。而輕授以用舍之柄。將至於威權下移。奸邪得志。

其為害又豈淺淺哉。故帝王之德莫大於知人。
而治亂之機。惟視其所任。人主不可不慎也。

兄弟友愛



唐史紀玄宗素友愛初即位為長枕大被與兄弟共寢飲食起居相與同之薛王業有疾上親為煮藥火爇上鬚左右驚救之上曰但使王飲此藥愈鬚何足惜

解唐史上記玄宗與他兄弟諸王極相友愛到做了天子也不改變初登寶位即製為長枕大被與諸兄弟每一處宿歇飲食行坐都不相離少弟薛王名業曾染疾病玄宗自己替他煎藥爐內火被風吹起來燒着玄宗的鬚左右驚慌



上前救之。玄宗說。但願薛王服了這藥。病得痊
可。我之鬚何足惜。其友愛之切如此。夫兄弟本
是同胞所生。故大舜待弟。親之欲其貴。愛之欲
其富。至于一憂一喜。莫不與共。玄宗身為天子。
能這等篤于友愛。亦可謂賢君矣。



唐史紀玄宗悉召新除縣令至殿庭試理人策。惟韋濟詞理第一。擢為醴泉令。餘二百人不入第。且令之官。四十五人放歸學問。又敕京官五品以上。外官刺史。各舉縣令一人。視其政善惡。為舉者賞罰。


解唐史上記玄宗以縣令係親民之官。縣令不好。則一方之人皆受其害。故常加意此官。是時有吏部新選的縣令二百餘人。玄宗都召至殿前。親自出題考試。問他以治民之策。那縣令所



對的策。惟有韋濟詞理都好。取居第一。拔為京畿醴泉縣令。其餘二百人。文不中第。考居中等。姑令赴任。以觀其政績何如。又四十五人。考居下等。放回原籍學問。以其不堪作令。恐為民害也。又敕令在京五品以上官。及外面的刺史。各舉他所知的好縣令一人。奏聞於上。既用之後。遂考察那縣令的賢否。以為舉主的賞罰。所舉的賢。與之同賞。所舉的不肖。與之同罰。所以那時縣令多是稱職。而百姓皆受其惠。以成開元之治。今之知縣。即是古之縣令。欲天下治安。不可不慎重此官也。

唐史紀玄宗嘗遣人詣江南取鷓鴣鷓鴣等欲置苑中。所至煩擾。汴州刺史倪若水上言。今農桑方急。而羅捕禽鳥。陸水轉送。道路觀者。豈不以陛下為賤人而貴鳥乎。玄宗手敕謝之。縱散其鳥。

解唐史上記玄宗嘗遣使臣往江南地方。採取鷓鴣鷓鴣等水鳥。畜養於苑中。以恣觀翫。時使臣所到的去處。百姓每不勝擾害。有汴州刺史倪若水。上書諫說。如今江南百姓。衣食不足。飢寒過半。方務農採桑。以耕織為急。而朝廷之上。



乃使之羅捕禽鳥。水陸轉運。遠至京師。負累小民。騷擾地方。那路上人看見的。豈不說陛下輕視民命。重視禽鳥。為賤人而貴鳥乎。何故為此不急之務。好此無益之物。以虧損聖德也。玄宗一聞若水之言。深合於心。即發手敕一道謝之。因縱散其鳥。不復採捕。嘗聞召公之訓。武王曰。不貴異物。賤用物。民乃足。又曰。珍禽奇獸。不育於國人。主之好尚。不可不審也。玄宗愛鳥。近於禽荒。一聞若水之言。即命散之。可謂從諫如流矣。然不但禽鳥一事。但凡人主喜好那一件物。即為地方之害。蓋官吏奉承。指一科十。半入公家。半充私橐。甚至嚴刑峻罰。催督苛擾。百姓每至於鬻兒賣女。傾家蕩產。其害可勝言哉。惟人主清心寡慾。一無所好。只着百姓每納他本等的賦稅。則黎元皆得休息。天下自然太平矣。


馮餅借福



Blank space for vertical text columns.

唐史紀肅宗為太子嘗侍膳有羊臠臠上顧太子使割肅宗既割餘汚漫刃以餅潔之上熟視不憚肅宗徐舉餅啗之上大悅謂太子曰福當如是愛惜

解唐史上記肅宗為太子時曾在宮中親侍他父皇玄宗進膳蓋問安侍膳乃太子之禮也那席間有一塊羊臠臠音孫臠小節間肥肉也玄宗欲食之顧視肅宗着他親自割切肅宗承命就用刀割切了因刀刃上有些羊脂汚漫取一



塊餅將刀揩得潔淨。玄宗見餅乃食物。而以之
拭刀為可惜。注目看着他。有不悅之色。肅宗從
容舉起那餅。放在口中喫了。不敢拋棄。玄宗方
纔大喜。遂對肅宗說道。凡人福祿有限。應當如
此愛惜。大抵自天子以至庶人。福分雖有大小。
然皆以樽節愛惜。而得長久。暴殄糜費。必致短
促。譬之井泉。徐徐汲取。則其來無窮。用之不盡。
若頓行打汲。則頃刻之間。立見其乾竭矣。所以
自古聖賢之君。雖尊居九重。富有四海。而常服
浣濯之衣。不食珍竒之味。減省服御。愛養民力。
故得壽命延長。國祚綿遠。彼齊後主。隋煬帝之
流。竭萬民之膏血。以供一人之欲。如恐不足。一
旦福窮祿盡。身喪國亡。豈不可悲也哉。唐玄宗
惜福二字。誠萬世人主之龜鑑也。

燒梨照句



Blank space for text, divided into vertical columns.

唐史紀肅宗召處士李泌于衡山。至舍之內庭。嘗夜坐地爐燒二梨以賜李泌。顏王恃寵固求。上不許。曰。汝飽食肉。先生絕粒。何爭耶。時諸王請聯句。顏王曰。先生年幾許。顏色似童兒。信王曰。夜枕九仙骨。朝披一品衣。一王曰。不食千鍾粟。惟食兩顆梨。上曰。天生此間氣。助我化無為。後肅宗恢復兩京。泌之策為多。至德宗時拜相。時人方之張子房。

解唐史上記處士李泌有道行。隱居嵩山。曾侍肅宗於東宮。及肅宗即位。遣人各處求訪。得之。



於衡山。既到。待以賓友之禮。就着他在內殿居住。便於諮訪。曾一寒夜。肅宗坐地爐。自燒兩箇梨。以賜李泌。頴王年幼。倚着肅宗寵愛。要這燒的梨喫。肅宗不肯與他。說道。你終日飽食肉味。先生休糧絕粒。不喫煙火食。故我以此梨賜之。如何來爭。頴王乃止。此時諸王因請聯詩以贈李泌。頴王先倡一聯云。先生年幾許。顏色似童兒。說李泌年紀多少。而顏色美好。只如童子一般。此美其有道養形。異於常人也。信王接一聯

云。夜枕九仙骨。朝披一品衣。說李泌夜間則枕九仙的骨睡着。晝間則穿一品極貴的衣服。此美其以隱逸而兼尊貴也。有一王又接一聯云。不食千鍾粟。惟飡兩箇梨。說李泌固辭相位。不肯受千鍾俸祿。惟今夜二梨之賜。則受而食之。此美其高尚之志也。於是肅宗湊成末聯云。天生此間氣。助我化無為。說李泌非是凡人。乃上天間氣所生。以助我成無為之化也。其後肅宗收復兩京。平安史之亂。李泌之謀策居多。至德

宗時為宰相。功業尤著。時人把他比漢時張子
房為神仙宰相也。夫李泌一山人爾。而肅宗乃
呼為先生。稱為間氣。至親燒梨以賜之。此所謂
以天子而友匹夫者也。

